

25

7. marz

FUNDARSKÖP

fyrir bæjarstjórn Kópavogskaupstaðar.

1. gr.

Bæjarstjórn Kópavogskaupstaðar er skipuð 7 kjörnum bæjarfulltrúum. Þeir ræða og gera ályktanir um bæjarmálefni á bæjarstjórnarfundum. „Fundarmenn“ tekur í fundarsköpum þessum til bæjarfulltrúa og bæjarstjóra.

2. gr.

Ár hvert í janúarmánuði kýs bæjarstjórn forseta og varaforseta úr flokki bæjarfulltrúa. Sá er rétt kjörinn forseti, sem fær meiri hluta atkvæða bæjarfulltrúa, sem á fundi eru. Nú fær enginn svo mörg atkvæði, og skal þá kjósa um þá tvo, er flest fengu atkvæðin, og ef tveir eða fleiri, sem um skyldi kjósa, hafa fengið jafnmörg atkvæði, þá skal varpa hlutkesti um það, um hverja tvo skuli kjósa. En ef hvorugur þeirra fær enn meiri hluta, þá skal sá vera forseti, er fleiri atkvæði fær. En ef þeir fá jafnmörg atkvæði, ræður hlutkesti, hvor skuli vera forseti. Með sama hætti skal kjósa varaforseta. Hann skal gegna forsetastörfum, ef forseti forfallast eða hans missir við með öllu, unz kosinn er nýr forseti.

3. gr.

Bæjarstjórn kýs sér tvo skrifara og tvo varaskrifara úr sínum hópi, til eins árs, og á sama fundi, sem forsetakosning fer fram. Skrifara skal kjósa hlutfallskosningu.

4. gr.

Forseti stjórnar fundum bæjarstjórnar. Hann sér um að allt fari reglulega og skipulega fram, og eru bæjarfulltrúar og bæjarstjóri skyldir að hlýða úrskurði hans um allt, er varðar fundarsköp, en skjóta má úrskurði undir úrlausn bæjarstjórnar, ef vafi leikur á um skilning fundarskapa.

5. gr.

Skrifarar skulu telja saman atkvæði, þegar atkvæðagreiðslur fara fram og þegar kjósa skal nefndir, eða menn til annarra starfa. Bæjarstjórn ræður og sérstakan fundarskrifara, utan bæjarstjórnar. Í fundarlok skal lesa upp gerðabók og skal forseti undirrita hana og aðrir viðstaddir bæjarfulltrúar. Fundarmenn eiga heimtingu á því, að bókaðar verði athugasemdir þeirra í gerðabók, ef þeim þykir eitthvað rangt bókað eða ónákvæmt, svo og stuttlega um ágreiningsatkvæði sín.

6. gr.

Nefndir til þess að starfa að einstökum málum, hvort sem þær eru fastanefndir eða lausanefndir, skal kjósa hlutbundnum kosningum, eftir aðferð þeirri, sem kennd er við de Hondt. Sérhver bæjarfulltrúi er skyldur að taka sæti í hverri nefnd, sem hann er löglega kosinn í. Sá sem fyrstur er kosinn á lista, kallar nefndina saman í fyrsta sinn og lætur kjósa formann. Þó skal bæjarstjóri ætíð sjálfkjörinn formaður, sé hann kosinn í nefnd, en hann lætur því næst kjósa skrifara. Um leið og nefndin lýkur störfum, getur hún, eða, ef hún er klofin, hver hluti hennar, kosið sér fram-sögumann. Skrá um nefndir skal vera til sýnis í fundarsal bæjarstjórnar.

7. gr.

25

7. marz

Reglulega fundi heldur bæjarstjórn þriðja föstudag í hverjum mánuði, kl. 17, ef mál eru fyrir hendi, og stendur fundur svo lengi, sem þörf gerist, þó ekki lengur en til miðnættis. Bæjarstjórn getur þó ákveðið að fella niður fundi í júlí- og ágúst-mánuði. Ef fundur ferst fyrir vegna helgi eða af öðrum orsökum, skal halda hann næstu virka daga á eftir. Aukafund skal halda þegar bæjarstjóri eða 4 fulltrúar æskja þess. Bæjarstjóri ákveður stað og stund til aukafundarhalds.

8. gr.

Bæjarstjóri semur dagskrá handa bæjarstjórnarfundum. Hvert það bæjarmál, er nefnd eða bæjarfulltrúi krefst að tekið sé á dagskrá, er skylt að taka á hana, þó skulu öll erindi, er taka skal á dagskrá á reglulegum fundi, koma í hendur bæjarstjóra eigi síðar en kl. 18, 2 dögum fyrir fund. Í síðasta lagi kl. 18 daginn fyrir fund, skal hann hafa sent öllum fulltrúum dagskrá, þar sem til séu tekin þau mál, sem koma skulu til umræðu. Önnur mál en þau, sem á dagskrá standa, mega ekki koma til umræðu á fundum bæjarstjórnar, nema þau séu fram borin af bæjarstjóra og brýn nauðsyn beri til. Dagskrá bæjarstjórnar skal festa upp á tveim stöðum í bænum, eigi síðar en kl. 12, daginn, sem fundur er haldinn. Mál skulu afgreidd í þeirri röð, sem dagskrá segir, nema meiri hluti bæjarfulltrúa óski röð breytt.

9. gr.

Bæjarstjóri á, samkvæmt embættisstöðu sinni, sæti á fundum bæjarstjórnar og má taka þar til máls svo oft sem hann vill, en gæta skal hann fundarskapa. Ekki á bæjarstjóri atkvæðisrétt, nema hann sé jafnframt bæjarfulltrúi.

10. gr.

Bæjarstjórn afgreiðir mál með einni umræðu, nema hún ákveði öðruvísi um einstök mál, eða að tillaga feli í sér heimild eða skipun um fjárgreiðslur úr bæjar-sjóði eða hafnarsjóði. Skal þá hafa tvær umræður.

11. gr.

Sérhver fundarmaður getur borið upp breytingartillögur og viðaukatillögur við hvert það málefni, sem til umræðu er. Skulu slíkar tillögur vera skriflegar, en veita skal forseti fundarmönnum ráðrúm til þess að semja þær. Forseti sker úr því, hvernig atkvæðagreiðslu um tillögur skuli haga.

12. gr.

Bæjarstjórnarfundur skal halda í heyranda hljóði. Ef áheyrendur eru ekki kyrrir og hljóðir, eða trufla fund með nokkrum hætti, þá getur forseti vísað þeim út, og ef þörf gerist, látið ryðja áheyrendasalinn. Þó má ræða mál fyrir luktum dyrum, ef það varðar einkahagi manna. Fundarmaður getur einnig krafizt þess, að mál verði rætt fyrir luktum dyrum, og sker bæjarstjórn úr því, umræðulaust, með meiri hluta atkvæða, hvort mál skuli rætt opinberlega eða fyrir luktum dyrum. Enginn má skýra frá umræðum í þeim málum, sem rædd eru fyrir luktum dyrum.

13. gr.

Ekki getur bæjarstjórn gert ályktun um mál, nema meira en helmingur bæjarfulltrúa sé á fundi. Afl atkvæða ræður úrslitum mála. Ef atkvæði eru jafnmörg með tillögu og móti, telst hún fallin, nema kosning sé. Þá ræður hlutkesti. Um kosningu bæjarstjóra og varabæjarstjóra og í stöður þær, er bæjarstjórn veitir, fer sem um kosningu forseta bæjarstjórnar. Mál má afgreiða með því að samþykkja það eða fella, með því að vísa því frá með einfaldri eða rökstuddri dagskrá, eða með því að fresta því.

25

7. marz

14. gr.

Fundarmaður, sem vill taka til máls, skal snúa sér til forseta. Leyfir hann mönnum venjulega að taka til máls í þeirri röð, er þeir hafa kvatt sér hljóðs. Þó má hann breyta út frá því um bæjarstjóra og framsögumann, svo og til að ræður skiptist jafnt með og móti málefnum, eða til þess að bæjarfulltrúi geti gert stutta leiðréttingu eða athugasemd, er varðar hann sjálfan. Ef tveir eða fleiri kveðja sér samtímis hljóðs, þá ræður forseti í hvaða röð þeir tala.

15. gr.

Flutningsmaður mála eða framsögumaður mega tala þrisvar við hverja umræðu máls, en aðrir bæjarfulltrúar tvisvar. Þó má maður aftur taka til máls, til þess að bera af sér ámæli, gera stutta fyrirspurn, athugasemd um atkvæðagreiðslu, eða gæzlu fundarskapa. Ræðumaður skal standa við sæti sitt meðan hann flytur ræðu sína.

16. gr.

Ræðumaður skal beina máli sínu til forseta eða fundarins. Eigi má hann lesa upp prentað mál, nema forseti leyfi. Skyld er fundarmanni að lúta valdi forseta í hvívetna, er gæzlu góðrar reglu varðar. Ef fundarmaður ber aðra brizglyrðum, eða vikur verulega frá umtalsefninu, þá skal forseti víta hann fyrir það, og nefna þau ummæli, er hann vitti. Nú er fundarmaður víttur tvisvar á sama fundi, og má þá forseti, með samþykkt fundarins, svipta fundarmann málfrelsi á þeim sama fundi. Ef fundarmaður óhlýðnast úrskurði forseta eða almenn óregla kemur upp á fundinum, skal forseti fresta fundi um stundarsakir, eða slíta fundi alveg, ef honum þykir nauðsyn til bera.

17. gr.

Ef umræður dragast úr hófi fram, getur fundarmaður stungið upp á því, að þeim sé hætt, og sker fundur þegar í stað úr því umræðulaust. Skal þá jafnan ákveða, hvort þeim skuli leyft að tala, er kvatt höfðu sér hljóðs, áður en tillaga um að slíta umræðum kom fram.

18. gr.

Atkvæðagreiðsla fer þannig fram, að fulltrúarnir rétta upp hægri hönd sína. Nafnakall skal þó hafa, ef þrír fulltrúar, hið fæsta, krefjast þess, og ef forseti virðist ekki glöggst mega ráða af atkvæðagreiðslunni um málsúrslit. Við nafnakall greiða fulltrúarnir atkvæði eftir prentaðri skrá, þar sem nöfn þeirra eru í stafrófsröð, og skal hlutkesti ráða, á hverjum skuli byrja. Bæjarfulltrúa er skyld að greiða atkvæði við nafnakall, nema hann leiði rök að undanfærzlu sinni, er forseti tekur gild, enda hefur bæjarfulltrúi rétt til að skjóta úrskurði forseta til fundarins, sem sker þá umræðulaust úr því máli.

19. gr.

Bregða má af fundarsköpum þessum eftir uppástungu forseta, bæjarstjóra eða tveggja bæjarfulltrúa, ef bæjarstjóri samþykkir, enda samþykkir að minnsta kosti $\frac{1}{3}$ þeirra bæjarfulltrúa, sem á fundi eru.

20. gr.

Til breytinga á fundarsköpum þessum þarf umræður á tveimur bæjarstjórnarfundum, meiri hluta gildra atkvæða og staðfestingu ráðherra

Fundarsköp þessi staðfestast hér með samkvæmt lögum nr. 30 11. maí 1955 til 25
þess að öðlast gildi þegar í stað.

7. marz

Félagsmálaráðuneytið, 7. marz 1956.

F. h. r.

Hjálmar Vilhjálmsson.

Hallgrimur Dalberg.

Staðfesting forsetans á skipulagsskrá fyrir Minningarsjóð Einars og Þórunnar 26
í Brandshúsum, útgefin á venjulegan hátt að mandatum af dómsmálaráðherra 7. marz
7. marz 1956.

Skipulagsskráin er þannig:

SKIPULAGSSKRÁ

fyrir Minningarsjóð Einars og Þórunnar í Brandshúsum.

1. gr.

Sjóðurinn heitir Minningarsjóður Einars og Þórunnar í Brandshúsum.

2. gr.

Tilgangur sjóðsins er að vekja og efla mannúð og góðvilja hjá almenningi gagn-
vart mönnum og skepnum með því að stjórn sjóðsins veitir verðlaun þeim er fram-
úr skara við líknar- og mannúðarstörf, jafnframt viðurkenningarskjal fyrir fram-
úrskarandi ástundun við að bæta úr býli og vanlíðan með kærleiksverkum og
hjálpfýsi.

3. gr.

Stofnfé sjóðsins er 10 000 — tíu þúsund — krónur, sem ásamt öllum gjöfum og
þeim vöxtum, sem tilskilið er í þessari skipulagsskrá, kallast höfuðstóll hans og má
hann aldrei skerða.

4. gr.

Sjóðurinn skal varðveittur og ávaxtaður í Aðaldeild Söfnunarsjóðs Íslands.

5. gr.

Stjórn sjóðsins skipa þrír menn. Einn kosinn af Slysavarnafélagi Íslands á aðal-
fundi þess ár hvert; annar kosinn af Dýraverndunarfélagi Íslands einnig ár hvert
á aðalfundi þess. Endurkosningar mega eiga sér stað. Þriðji maður í stjórninni er
hreppstjórinn í Gaulverjabæjarhreppi í Árnessýslu eða sá, er hann setur í sinn stað.
Stjórnin kys formann úr sínum hóp og skiptir með sér störfum.

6. gr.

Allir vextir skulu leggjast við höfuðstól þar til sjóðurinn er orðinn 20 000 —
tuttugu þúsund — krónur. Frá þeim tíma skal lagður við höfuðstólinn $\frac{1}{5}$ — einn
fimmti — hluti ársvaxtanna, en til útborgunar falli $\frac{4}{5}$ — fjórir fimmtu — hlutarnir til
stjórnar sjóðsins, svo hún geti varið fé þessu samkvæmt því, sem fyrir er mælt í
2. gr. hér að framan.

7. gr.

Sjóður þessi skal vara og skipulagsskrá hans í öllu heiðruð svo lengi sem Ísland
byggist.

Halldór Einarsson.